

聞之封通微顯化真人後往來鶴鳴山半年不知所終

列傳 見七修類稿

明郎瑛

張仙名君實字全一遼東懿州人別號立立又號保和容忍三丰子時人又稱張邈邈天順三年曾來謁帝予見其像鬚鬢堅上一髻背垂面紫大腹而攜笠者上為錫誥之文封為通微顯化大真人

列傳 淮海雜記

明陸西星

三丰老仙龍虎裔孫也其祖裕賢公學能兼占象移家於金之懿州與子昌隱於民間及懿為元人所拔始稍稍以名字聞然昌公固優游世外者也夫人林氏先以二乳生四子曰遨曰游

道藏輯要

三丰全集 傳攷記

六

續畢集七
六八上

曰道曰遙皆早歿既更與二子曰通曰達通即老仙也降誕之夕林夢斗母元君手招大鶴止屋長嘯三聲而驚寤遂就褥焉幼有異質長負才藝遊燕京故交劉秉忠見而奇之曰真仙才也默挈之久乃得一宰於中山苦寒之地以丁憂歸遂不復出嘗言富貴如風燈草露光陰似雨電浮漚乃決志求道訪師終南得聞火龍妙諦漸乃徜徉垢污人不能識生平詩文每起稿於樹皮苔肉茶湯匕箸間積數十年猶能記誦然未嘗錄以示人也故元朝文藝中無有知者子道意孫鳴鸞鳴鶴鸞入明初遷淮揚六世孫花谷道人即鸞嫡孫與余為方外友其家有林園之勝老仙嘗至其家叩以當年軼事則書雲遊詩若干篇寶誥數

章丹訣一函命藏之花谷每爲余言不勝使人遐想也

道藏輯要

三丰全集 傳攷記

七 續畢集七
卅二

正一天師清微弟子共百堅製作

道教學術資訊網站

